

## 2007 nr. 70 28. mars

### Æskulýðslög

Tóku gildi 5. apríl 2007. Breytt með: L. 126/2011 (tóku gildi 30. sept. 2011).

Ef í lögum þessum er getið um ráðherra eða ráðuneyti án þess að málnefnasvið sé tilgreint sérstaklega eða til þess vísað, er átt við **mennta- og barnamálaráðherra** eða **mennta- og barnamálaráðuneyti** sem fer með lög þessi.

#### I. kaffli. Almenn ákvæði.

##### ■ 1. gr.

□ Tilgangur laga þessara er að styðja börn og ungmenni til þátttöku í æskulýðsstarfi. Með æskulýðsstarfi er átt við skipulagða félags- og tómstundastarfsemi þar sem börn og ungmenni starfa saman í frístundum sínum að hugsjónum, markmiðum og áhugamálum sem þau sjálf meta að verðleikum. Í skipulögðu æskulýðsstarfi skal hafa í huga félags-, forvarna-, uppeldis- og menntunarlegt gildi þess sem miðar að því að auka mannkostí og lýðræðisvitund þáttakenda. Í öllu starfi með börnum og ungmennum skal velferð peirra höfð að leiðarljósi og þau hvött til frumkvæðis og virkrað þátttöku. Lögin miðast við æskulýðsstarf fyrir börn og ungmenni, einkum á aldrinum 6–25 ára.

##### ■ 2. gr.

□ Lög þessi gilda um:

1. Starfsemi félaga og félagasamtaka sem sinna æskulýðsmálum á frjálsum áhugamannagrundvelli, enda byggist félagsstarfsemi fyrst og fremst á sjálfboðastarfi og eigin fjármögnun.

2. Æskulýðsstarf á vegum ríkis og sveitarfélaga og í skólum, að svo miklu leyti sem við á og önnur lög og aðrar reglur gilda ekki um.

3. Aðra starfsemi þar sem einkum er sinnt ófélagsbundnu æskufólk í skipulögðu æskulýðsstarfi.

##### ■ 3. gr.

□ Ríki og sveitarfélög í samstarfi við félög og félagasamtök á svíði æskulýðsmála studla að því að ungt fólk eigi þess kost að starfa að æskulýðsmálum við sem fjölbreyttust skilyrði. Um framlög úr ríkissjóði til starfsemi landssamtaka æskulýðsfélaga fer eftir ákvörðun Alþingis í fjárlögum.

□ Um framlög til starfsemi svæðisbundinna æskulýðsfélaga og æskulýðssamtaka fer eftir samþykktum í fjárhagsáætlunum sveitarfélaga.

#### II. kaffli. Stjórna æskulýðsmála.

##### ■ 4. gr.

□ [Ráðherra]<sup>1)</sup> fer með yfirstjórn æskulýðsmála samkvæmt lögum þessum.

<sup>1)</sup> L. 126/2011, 459. gr.

##### ■ 5. gr.

□ Ráðherra skipar níu fulltrúa í Æskulýðsráð. Fimm fulltrúar skulu skipaðir samkvæmt tilnefningu æskulýðssamtaka, samkvæmt nánari ákvæðum í reglugerð.<sup>1)</sup> Tveir fulltrúar skulu tilnefndir af Sambandi Íslenskra sveitarfélaga. Ráðherra skipar formann og varaformann Æskulýðsráðs án tilnefningar. Skipunartími ráðsins er tvö ár.

<sup>1)</sup> Rg. 1088/2007.

##### ■ 6. gr.

□ Hlutverk Æskulýðsráðs er:

1. Að vera stjórnvöldum til ráðgjafar í æskulýðsmálum.
2. Að gera tillögur um áherslur og stefnumótun í mála-flokknum.
3. Að veita umsagnir um mál er varða æskulýðsstarfsemi.

4. Að leitast við að efla æskulýðsstarfsemi félaga, félagasamtaka, skóla og sveitarfélaga og stuðla að samvinnu þessara aðila um æskulýðsmál.

5. Að efna til funda og ráðstefna um æskulýðsmál.

6. Að taka þátt í erlendu samstarfi um æskulýðsmál eftir nánari ákvörðun ráðherra.

7. Að stuðla að þjálfun og menntun forustufólks, leiðbeinenda og sjálfboðaliða.

8. Að sinna öðrum þeim verkefnum sem ráðherra kann að fela því.

□ Ráðherra er heimilt að setja nánari reglur um starfsemi Æskulýðsráðs.

□ Kostnaður við störf og verkefni Æskulýðsráðs skal greiddur úr ríkissjóði.

#### III. kaffli. Æskulýðssjóður.

##### ■ 7. gr.

□ Alþingi veitir árlega fé í Æskulýðssjóð til eflingar æskulýðsstarfi. Sjóðnum er heimilt að taka við frjálsum framlögum.

##### ■ 8. gr.

□ Stjórn Æskulýðssjóðs skal skipuð þremur fulltrúum til tveggja ára í senn. Formaður Æskulýðsráðs er formaður sjóðsins, en ráðið tilnefnir two fulltrúa og jafnmarga varamenn. Ráðherra skipar varaformann Æskulýðssjóðs úr hópi aðalfulltrúua.

##### ■ 9. gr.

□ Hlutverk Æskulýðssjóðs er að styrkja eftirtalin verkefni á vegum æskulýðsfélaga og æskulýðssamtaka:

1. Sérstök verkefni sem unnin eru fyrir börn og ungmenni og/eða með virkri þátttöku þeirra.

2. Þjálfun forustufólks, leiðbeinenda og sjálfboðaliða.

3. Nýjungar og þróunarverkefni.

4. Samstarfsverkefni æskulýðsfélaga og æskulýðssamtaka.

□ Ráðherra úthlutar styrkum úr Æskulýðssjóði að fengnum tillögum stjórnar sjóðsins.

□ Ráðherra er heimilt að setja nánari reglur<sup>1)</sup> um úthlutun úr Æskulýðssjóði.

<sup>1)</sup> Rgl. 60/2008.

#### IV. kaffli. Starfsskilyrði í æskulýðsstarfi.

##### ■ 10. gr.

□ Miða skal við að þeir sem starfa með eða hafa umsjón með börnum og ungmennum í æskulýðsstarfi séu lögráða og hafi þjálfun, menntun, þekkingu eða reynslu til starfsins.

□ Í skipulögðu æskulýðsstarfi og í ferðum með börnum og ungmennum er forustufólk, leiðbeinendum, sjálfboðaliðum og öðru starfsfólk óheimilt að neyta áfengis og annarra vímuefna.

□ Óheimilt er að ráða til starfa hjá aðilum, sem 2. gr. teknur til og sinna börnum og ungmennum undir 18 ára aldrí í æskulýðsstarfi, einstaklinga sem hlutið hafa refsídóm vegna brota á ákvæðum XXII. kafla almennra hegningarlaga, nr. 19/1940. Sama gildir um þá sem hlutið hafa refsídóm fyrir brot gegn lögum um ávana- og fíkniefni, nr. 65/1974, á síðastliðnum fimm árum. Ákvæði þetta nær einnig til þeirra sem falin er umsjón með börnum og ungmennum undir 18 ára aldrí á grundvelli sjálfboðaliðastarfs.

□ Yfirmenn skóla, leikskóla, sumardvalarheimila, íþróttar- og tómstundamiðstöðva og annarra slíkra stofnana eða staða þar sem börn og ungmenni koma saman eða dveljast um

lengri eða skemmi tíma, og 2. gr. tekur til, eiga rétt til upplýsinga úr sakaskrá um það hvort tiltekkinn einstaklingur, sem sótt hefur um störf á þeirra vegum, hefur hlotið dóm vegna brota sem 3. mgr. tekur til, að fengnu samþykki hans.

□ Standi ríski, sveitarfélag eða aðrir aðilar fyrir starfsemi sem fellur undir lög þessi skal þess gætt að hún uppfylli lög og reglur um aðgengi, aðstöðu, hollustuhætti og öryggisþætti.

#### V. kafli. Stuðningur sveitarfélaga við æskulýðsstarf.

##### ■ 11. gr.

□ Sveitarstjórnir setja sér reglur um á hvern hátt stuðningi við frjálst æskulýðsstarf skuli hártað. Sveitarfélög hafa starfandi æskulýðsnefndir eða sambærilegar nefndir samkvæmt ákvörðun sveitarstjórnar.

□ Sveitarstjórnir hlutast til um að stofnuð séu ungmenningaráð. Hlutverk ungmennaráða er m.a. að vera sveitarstjórnunum til ráðgjafar um málefni ungs fólks í viðkomandi sveitarfélagi. Sveitarstjórnir setja nánari reglur um hlutverk og val í ungmennaráð.

#### VI. kafli. Æskulýðsrannsóknir.

##### ■ 12. gr.

□ Ráðherra stuðlar að því að fram fari reglubundnar æskulýðsrannsóknir sem lagðar verði til grundvallar stefnumótun í æskulýðsmálum.

□ Ráðherra skipar fimm manna ráðgjafarfend um æskulýðsrannsóknir. Einn fulltrúi skal skipaður samkvæmt tilnefningu Æskulýðssráðs, einn fulltrúi samkvæmt tilnefningu æskulýðssamtaka og einn fulltrúi samkvæmt tilnefningu stjórnar Sambands íslenskra sveitarfélaga. Ráðherra skipar tvo fullrúua án tilnefningar. Ráðherra skipar formann og varaformann úr hópi nefndarmanna. Skipunartími nefndarinnar er þrjú ár.

#### VII. kafli. Önnur ákvæði.

##### ■ 13. gr.

□ Ráðherra getur í reglugerð sett nánari ákvæði um framkvæmd laga þessara.

##### ■ 14. gr.

□ Lög þessi öðlast þegar gildi.

□ ...